

Kev Kuaj Mob COVID-19 Nyob Hauv California – Tej Uas Koj Tsim Nyog Paub

Kuaj mob tom tsev thiaj li nyab xeeb rau koj cov phoojywg, tsev neeg thiab neeg zej zog.

Thaum twg zoo rau kuv mus kuaj mob rau COVID-19?

1. **Yog tias koj muaj cov [tsos mob](#) COVID-19,**
 - Mus kuaj mob tam sid, tab txawm koj twb mus txhaj tshuaj COVID-19 tag lawm.
 - Yog tias koj kuaj tau yog negative tiamsis tseem muaj tej tsos mob, tos li 24-48 xaub moos ces mam li rov qab kuaj dua. Yog muaj cov kab mob vais lav uas niam qhuav nkag rau lub cev, ces tej zaum yuav kuaj tsis tau thaum ntxov, thiab tau tos ob peb hnuv mam li kuaj tau yog positive.
2. **Yog tias koj tau mus [nyob ze](#) ib tug neeg mob COVID-19,**
 - Mus kuaj mob li ntawm 3-5 hnuv tom qab koj mus nyob ze tus neeg mob, tab txawm koj tsis pom muaj tej tsos mob.
 - Mus kuaj tam sid yog tias koj pib mob tuaj.
3. **Npaj mus kuaj mob 3-5 hnuv ua ntej thiab tom qab koj mus koom ib lub koob tsheej uas muaj neeg coob coob lossis [thaum koj tawm mus ncig tebchaws](#),** tshwj xeeb yog tias koj yuav mus nyob ze [cov tibneeg uas muaj kev phom sij kis mob](#) (cov laus, cov lub cev tsis muaj zog tiv thaiv kab mob, cov neeg tsis tau mus txhaj tshuaj).

Yuav mus muab cov pas kuaj mob tom tsev rau qhov twg?

1. Mus kuaj mob DAWB xwb tom koj lub khw muag tshuaj nrog rau koj daim ntawv pov hwm kho mob (hauv khw lossis hauv online):
 - MediCal lossis Medicare – nqa koj daim npav tuaj rau lub khw muag tshuaj
 - Cov ntawv pov hwm ntiag tug – tiv tauj koj lub tuam txhab tuav ntawv pov hwm rau tej kev kuaj mob uas dawb lossis kom lawv ntxiv nyiaj rau koj.
2. Mus yuav tom koj lub khw muag tshuaj (hauv khw lossis hauv online). Cov pas kuaj mob no feem ntau yog \$10 rau ib tug.

Kuv yuav mus kuaj mob rau qhov twg ntxiv?

Mus nrhiav [qhov chaw kuaj mob hauv online](#) lossis hu (833) 422-4255 lossis 211.

Yuav ua li cas yog tias kuv kuaj tau yog positive?

Ces koj mob COVID-19 lawm. Hu rau koj tus kws kho mob seb koj puas muaj npe txais [kev kho mob COVID-19](#) kom thiaj li pab txo qhov mob hnyav, qhov tau mus pw tsev kho mob loj, lossis kom tsis txhob tag sim neej. Ua raws li [tej lus pom zoo hais tseg no thiaj li tsis muab tus kab mob coj mus kis rau lwm tus](#). Qhia tawm qhov koj kuaj tau yog positive mus rau [canotify.ca.gov](#).

Yog tias koj mob hnyav heev hu rau 911 lossis mus rau lub tsev kho mob uas nyob ze koj.

Yuav ua li cas yog tias koj ua tsis tau haujlwm vim koj mob COVID-19?

Yog tias koj ua haujlwm tsis tau vim koj mob COVID-19 lossis tau mus nyob ze ib tug neeg mob, koj [tso npe tau rau cov ntawv povhwm Disability Insurance \(DI\) claim](#). Yog tias koj ua haujlwm tsis tau vim koj tu ib tug neeg mob COVID-19, koj [tso npe tau rau Paid Family Leave \(PFL\) claim](#). Thaum koj tso npe rau ob yam no koj yuav tsum muaj ntawv tso lus los ntawm tus kws kho mob.

Tus mob COVID-19 mentsis zoo li mob khaub thuas, hawb pob, lossis ua npaws loj thiab muaj tej tsos mos xws li:

- Ua npaws lossis ib ce txias
- Hnoos
- Txog siav lossis ua pa nyuaj
- Qaug zog
- Mob thooj leeg nqaij lossis mob ib ce
- Mob taub hau
- Noj tsis qab lossis tsis hnov ntxhiab tsw
- Mob qa txhaws qa
- Txhaws ntswg lossis los ntswg
- Xeev siab lossis ntuav
- Raws plab



Xoo tus lej QR nyob ntawm phab ntawv no los nkag mus xyuas cov links nyob hauv daim ntawv qhia ntawm no.

